

10 terima Anugerah Saintis Penyelidikan Terbaik Malaysia

BERITA HARIAN 16/8/2016 p.14

Kuala Lumpur: Seramai 10 saintis dari universiti awam dan swasta serta agensi berkaitan kerajaan menerima Anugerah Saintis Penyelidikan Terbaik Malaysia 2016, semalam.

Anugerah terbabit yang diperkenalkan pada 2010 oleh Akademi Sains Malaysia disampaikan oleh Sultan Perak, Sultan Nazrin Muizzuddin Shah sempena Persidangan Antarabangsa Sains Untuk Keamanan di ibu negara, semalam.

Antara penerimanya, Prof Dr Azman Hassan dari Universiti Teknologi Malaysia; Prof Dr Dominic Foo Chwan Yee (University of Nottingham, Kampus Malaysia) serta Prof Dr Latiffah Abdul Latif dari Universiti Putra Malaysia.

Yang turut menerima, pakar bio-

mas dan tenaga bio dari Lembaga Minyak Sawit Malaysia, Dr Loh Song Kheang serta pakar teknologi hijau dari Universiti Teknologi Petronas, Prof Madya Dr Suzana Yusup.

Persidangan dua hari

Setakat ini, 120 saintis sudah menerima anugerah berkenaan, iaitu 27 saintis pada 2012, 2013 (35), 2014 (34) dan 14 menerimanya pada tahun lalu.

Persidangan dua hari bermula semalam turut menampilkan panel terkenal dari pelbagai latar belakang, termasuk Penasihat Sains kepada Perdana Menteri, Datuk Seri Dr Zakri Abdul Hamid.

Yang turut diundang sebagai panel, Penolong Setiausaha Agung Rakan Strategik Persekutuan Bu-

lan Sabit Merah Antarabangsa, Tan Sri Dr Jemilah Mahmood serta Pengerusi Yayasan Gerakan Kesederhanaan Global, Tan Sri Razali Ismail.

Sementara itu, Ketua Pegawai Eksekutif Kumpulan Yayasan Basmi Kemiskinan, Datin Hartini Osman yang turut menjadi ahli panel persidangan, berkata kepesatan teknologi begitu membantu dalam mengurangkan kemiskinan bandar.

“Biarpun penggunaannya memerlukan kawalan, setiap aplikasi yang ada pada teknologi terkini berupaya mempercepatkan penyampaian sesuatu maklumat. Inovasi sangat sinonim untuk mencapai satu maklumat di mana (pembasmi)an kemiskinan boleh dipercepatkan tindakannya,” katanya.